

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

BESPLATAN PRIMJERAK • SEPTEMBAR, 2022, broj 55.



**Majkama Srebrenice
ne smije ništa nedostajati**

- 2-3 Podrška učenicima, studentima, socijalno ugroženim kategorijama
- 4-7 Posjeta i podrška majkama Srebrenice
- 8-9 Nova kuća za porodicu Kičina
- 10-15 Projekti
- 18-19 Obrazovanje
- 22 Predstavljamo prijateljske općine



Impressum

- Izdavač:** Općina Stari Grad Sarajevo
- Pripremili:** Almedina Porča
Alma Imamović
Jasenko Jašarević
Nedim Šahović
- DTP:** Safet Mališević
- Fotografije:** Safet Mališević
Nedim Šahović
- Štampa:** Štamparija Fojnica d.d.
Fojnica
- Tiraž:** 3000
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



Podrška

Načelnik Hadžibajrić:

Izdvajanja za učenike i studente, djecu s hroničnim oboljenjima i socijalno ugrožene uvećavamo za milion maraka



Novi način pomoći ugroženim i bolesnim

Stipendije 150 i 200 KM ● Jednokratne novčane pomoći 800 KM godišnje ● Svaki mjesec pomoć za djecu sa hroničnim oboljenjima od 150 KM ● Uvećana pomoć za liječenje

Ulaganje u obrazovanje je ulaganje u budućnost, a jedini način da mlade ljude zadržimo u našoj zemlji jeste da im omogućimo obrazovanje i egzistenciju. Da bi im proces obrazovanja olakšao, posebno imajući u vidu porast životnih troškova općinski načelnik mr. Ibrahim Hadžibajrić odlučio je u planu budžeta za 2023. godinu planirati znatno viša sredstva za stipendije koje će im biti dostupne već od ove školske godine.

Za studente iz Starog Grada će u školskoj 2022/23. godini mjesečna stipendija iznositi 200 KM, a za učenike srednjih škola 150 KM. Imajući u vidu sve manji broj učenika starih zanata, ali i deficitarnih zanimanja za koje postoji sve veća potražnja, načelnik Hadžibajrić odlučio je da se i ove stipendije za učenike povećaju na iznos od 200 KM u nadi da

će se učenici dodatno stimulisati za ove vrste poslova.

Uvodi se mjesečna naknada za djecu sa hroničnim oboljenjima

S ciljem pomoći najugroženijim kategorijama, općinski načelnik prepoznao je potrebu da se ubuduće posebna pažnja

Uvećanje za 99%

U Starom Gradu se u prosjeku godišnje stipendira oko 370 učenika i studenata iz kategorije nadarenih, iz boračkih porodica i učenika deficitarnih zanimanja, a za te svrhe se do sada izdvajalo cca 300.000 KM. Planiranim uvećanjima u budžetu će se obezbijediti 595.000 KM što predstavlja uvećanje za 99%.



Povećanjem stipendija omogućiti mladima bolje uslove

posveti djeci sa hroničnim oboljenjima kao što su karcinom, šećerne bolesti, leukemija, celijakija, epilepsija i drugo. Porodice sa djecom sa hroničnim oboljenjima imaju velike godišnje izdatke, te će se u Općini Stari Grad od sljedeće godine uvesti praksa da ove porodice primaju mjesečnu naknadu u iznosu od 150 KM čime će im se barem malo olakšati i pomoći da se lakše nose sa životnim nedaćama. U budžetu za 2023. godinu će se za ove namjene planirati iznos od 180.000 KM na osnovu podataka o broju bolesne djece, a sredstva će se uvećavati ili umanjivati u skladu sa potrebama i zahtjevima koje roditelji budu podnosili.

Građani će dobijati veće iznose za pomoć u liječenju

U našoj zemlji, nažalost, ne postoji sistemsko rješenje za osobe u stanju potrebe koje bi im omogućilo egzistenciju kroz vlastiti rad i zapošljavanje, jednako kao što ne postoji ni uređen sistem zdravstvene zaštite koji bi građanima omogućio da im je svaka vrsta liječenja, lijekova i pomagala, besplatna. Imajući to u vidu, Općina Stari Grad Sarajevo maksimalno je opredijeljena da pomaže građanima jer pomoć nadležnih insti-

Izdavanja se povećavaju za 163%

Do sada se u budžetu Općine Stari Grad za navedne svrhe izdvajalo 548.800 KM, a od 2023. godine izdvajat će se 1.445.450 KM, što predstavlja ukupno uvećanje od 163%. Na ovaj način, transparentnim trošenjem budžetskih sredstava u infrastrukturne projekte i pomoć građanima kroz socijalna davanja, najefikasnije i najvidljivije se postiže da se novac građana iz budžeta Općine Stari Grad ponovo vraća građanima.

tucija, uglavnom izostaje. Od sljedeće budžetske godine građani Starog Grada će za liječenje u BiH moći dobiti jednokratnu pomoć Općine u iznosu od 1.200 KM, a za liječenje van granica BiH 1.600 KM.

Do sada se na godišnjem nivou za liječenje oboljelih lica kao i za jednokratne pomoći socijalno ugroženim izdvajalo 220.000 KM, a od sljedeće godine izdvajat će se 670.000 KM što predstavlja uvećanje od 205%. Nažalost, zahtjeva je iz dana u dan sve više. Samo u prvih 8 mjeseci ove godine 310 građana podnijelo je zahtjeve Općini Stari Grad za jednokratne finansijske pomoći.

Od sljedeće godine jednokratna finansijska pomoć licima u stanju potrebe iznositi će 800 KM u toku jedne kalendarske godine, zahtjevi će se podnosti na početku godine i sredstva će se isplaćivati odmah po obradi zahtjeva i utvrđivanju opravdanosti.



Jednokratna pomoć do 800 KM



Pomoć za liječenje u zemlji i inostranstvu

Posjeta i podrška



Načelnik Hadžibajrić sa Nurom Mustafić i Refijom Hadžibulić

Tokom posjete Srebrenici načelnik Hadžibajrić poručio: Majkama Srebrenice ne smije ništa nedostajati

Podrška izgradnji Doma za majke Srebrenice • Izdvajat će se grant na godišnjem nivou za brigu o majkama • Preostalo opremanje Upravne zgrade i gerijatrije, otvaranje ovog meseca

Simbolični naziv projekta je “Ljubav za Majke Srebrenice” koji podrazumijeva obavljanje kućne njege i svakodnevne asistencije majkama Srebrenice i Bratunca koje su se vratile na svoja ognjišta na kojima nerijetko žive same.

Iz tog projekta razvila se ideja za izgradnju Doma za majke Srebrenice u kojem bi im bio obezbijeđen smještaj i briga od momenta kada više ne budu mogle same o sebi da se brinu. Projekat realizuje Međunarodni fond Emmaus i on je u završnoj fazi, a općinski načelnik mr. Ibrahim Hadžibajrić odlučio je pomoći da se Dom za majke završi i svečano bude otvoren u oktobru ove godine kada će se majke moći i useliti.

Na godišnjem nivou izdvajat će se 25.000 KM za brigu o majkama

Prilikom posjete Srebrenici načelnik Hadžibajrić je sa svojim saradnicima posjetio i Dom za majke Srebrenice kako bi utvrdio na koji način im se može pomoći. Nakon toga primio je u svom kabinetu direktora Fonda Emmaus Hamzaliju Okanovića i pomoćnika za razvoj i saradnju Elmedina Škrebu, te je dogovorena konkretna saradnja.

“Kada sam izjavio da majkama Srebrenice ništa ne smije nedostajati mislio sam i na sistemsko rješenje za njihovo zbrinjavanje kako ne bi bile prepuštene same sebi. Zbog toga mi je drago što je izgrađen Dom za majke Srebrenice koji

ima upravo tu svrhu - da brine o njima kada više ne budu mogle biti same na svojim ognjištima. Apartmani za njihov smještaj su već završeni, a preostalo je još opremanje upravne zgrade i gerijatrije. Općina Stari Grad će obezbijediti 35.000 KM za te namjene kako bi projekat bio što prije završen, a majke zbrinute,” izjavio je načelnik Hadžibajrić.

Najavio je da će se briga o majkama nastaviti i ubuduće. “Na godišnjem nivou izdvajat ćemo grant u iznosu od 25.000 KM za finansiranje rada Doma za majke Srebrenice kako bi im pomogli da brinu o majkama. Također, pozvat ćemo i naše pobratimske općine iz Republike Turske da nam se pridruže u finansiranju i da zajedno osiguramo sredstva kako ovim majkama nikada ništa ne bi nedostajalo,” izjavio je načelnik Hadžibajrić.



Dom za majke Srebrenice i internat

Kapacitet Doma je 102 kreveta

Dom za majke Srebrenice sastoji se od upravne zgrade, apartmanskog dijela, osam bungalova i ambulante, a kapacitet mu je 102 kreveta. Svi apartmani za majke su moderno opremljeni, posjeduju kuhinju, dnevni boravak, spavaću sobu i kupatilo. Boravak, briga, obroci, zdravstvena njega za majke će biti besplatni. Kako je izjavio direktor Fonda Emmaus Hamzaliya Okanović,

za smještaj u Domu već su se prijavile i starije osobe porijeklom iz Srebrenice koje trenutno žive u Tuzlanskom i Sarajevskom kantonu i žele se vratiti u svoj grad.

“Cijeli kompleks prilagođen je potrebama majki, a sve kako bi im pružili najbolje moguće uslove za njihov boravak. Emmaus vodi svakodnevnu brigu o njima, a naš primarni cilj je da im damo maksimum do kraja njihovog života. Nemoguće je njima nadoknaditi ono što su izgubile, ali mislim da smo kroz program „Ljubav za majke Srebrenice“ puno



Potpuno opremljeni apartmani



Za majke će biti sve besplatno

pomogli. Svjesni smo da će za budući boravak majki biti potrebna psihička priprema jer se one teško odvajaju od svojih ognjišta, ali mi smo spremni i na to,” izjavio je Okanović. “Za majke će sve u Domu biti besplatno i prvo ćemo njih smjestiti. Ostali zainteresovani će moći dobiti smještaj, ali prema komercijalnim cijenama,” dodao je. Ono što je majkama najvažnije u ovom projektu je da se Dom za majke Srebrenice nalazi na svega nekoliko minuta od Memorijalnog centra Srebrenica i mezarja, jer inače one ne bi pristale na dolazak.



Majke će već ove zime biti smještene u Domu



Načelnik Hadžibajrić i Alema Hodžić, koordinatorica Doma

Posjeta i podrška

Posjeta Memorijalnom centru Srebrenica i pomoć za povratničke porodice

Posjeta, pomoć i topla riječ za povratničke porodice ● Posjeta Hasi Hasanoviću koji je preživio golgotu Srebrenice i pobjegao sa strijeljanja



Delegacija Općine Stari Grad u Memorijalnom centru Srebrenica i mezarju

“U Srebrenici moramo djelovati konkretno, doći ovim ljudima na vrata i pitati kako im možemo pomoći. Mi to radimo dva do tri puta godišnje, pomažemo institucionalno Memorijalnom centru Srebrenica i školama, ali i pojedinačno povratničkim porodicama koje preživljavaju od poljoprivrede i vlastitog rada, a prehranjuju i po sedmero djece”, poručio je općinski načelnik mr. Ibrahim Hadžibajrić tokom još jedne posjete Srebrenici i Potočarima u kojoj su učestvovali i njegovi saradnici: sekretar organa državne službe mr. Alma Destanović, općinski pravobranilac Enes Smajlović i pomoćnici načelnika.

Posjeta načelnika Hadžibajrića i delegacije Općine Stari Grad Sarajevo Srebrenici počela je u Memorijalnom centru Srebrenica gdje ih je dočeo direktor Emir Suljagić.

“Moram istaći jednu važnu činjenicu. Ibrahim Hadžibajrić je prijatelj Memorijalnog centra Srebrenica i Općina Stari

Grad je općina prijatelj Memorijalnog centra. Oni su bili u prvoj grupi općina koje su 2019. godine - mnogi su to zaboravili, ali mi ovdje nismo, potpisali sporazum o saradnji sa nama i obavezali se na finansijsku podršku koja nam je omogućila da napravimo jedan inicijalni korak ka boljem, važnijem, relevantnijem Memorijalnom centru. Da nije bilo tih načelnika i gradonačelnika koji su nam odmah pomogli, pitanje je da li bismo mi danas bili ovdje,” poručio je direktor Suljagić.

U posjeti Hasi Hasanoviću koji je o genocidu svjedočio u Haškom sudu

U selu Lehovići, udaljenom 10-ak kilometara od Srebrenice, živi Haso

Hasanović sa porodicom. Haso priča kako je preživio golgotu Srebrenice, a kao maloljetnik je pobjegao sa strijeljanja u Kravici. U Haškom sudu svjedočio je protiv Ratka Mladića. Živi sa suprugom i sinom u podrumu porodične kuće koja pripada njegovoj majci, a do koje se dolazi trošnim makadamskim putem obraslim u korov. Iako je više puta predavao zahtjev za donaciju za izgradnju kuće, tvrdi da je od Federalnog ministarstva raseljenih osoba i izbjeglica svaki put dobijao odbijenicu, te apelujemo i ovom putem na resornog ministra Edina Ramića da posjeti ovu porodicu i još jednom razmotri njihov zahtjev.

Delegacija Općine Stari Grad posjetila je Hasu Hasanovića na njegovom kućnom pragu i uručila mu pomoć. “Da iskreno kažem, ova posjeta mi puno znači, jer slabo me iko posjeti ovdje, čak ni domaći ljudi, a ne neko drugi. Zbog toga veliko hvala ovim ljudima i na sva-

Sekretarka mr. Alma Destanović lično stipendira djecu iz Srebrenice

Sabit Mandžić se 2002. godine vratio da živi u svom selu Kragljivoda koje je udaljeno 10-ak kilometara od Srebrenice. Ova porodica ima sedmero djece, niko ne radi i žive od poljoprivrede i povremenih dnevnic. Djeca se školuju, a troškovi života su sve viši, te im za jedno dijete u srednjoj školi mjesečno treba 80 KM, a zarade nema. Koliko god da im je teško, kažu da je lakše kada ih neko posjeti i kada znaju da nisu zaboravljeni, a i pored svih problema rodna gruda im je najslađa. Isto razmišlja i mladi Zajim Hodžić koji se prije nekoliko godina oženio i sa suprugom i troje djece žive u selu Ljesnik udaljenom 24 km od Srebrenice. Četvrto dijete je na putu. Ovim porodicama općinski načelnik mr. Ibrahim Hadžibajrić u ime Općine Stari Grad Sarajevo uručio je finansijsku pomoć, prehrambene pakete i poklone za mališane. Sekretarka organa državne službe mr. Alma Destanović odlučila je da lično stipendira po jedno dijete iz porodica Mandžić i Hodžić u narednih pet godina, kako bi im olakšala školovanje. Ovim porodicama je na taj način barem malo olakšan svakodnevni život.



Odata počast žrtvama genocida

koj pomoći koju su nam uputili. Uzgajamo maline, pravimo med, obrađujemo zemlju. Prodaja ide dosta teško, jer nema naroda, nemaš kome prodati," ispričao je Haso. Krov nad glavom i vlastiti dom njegova su jedina želja. "Predavao sam za razne donacije, ali svugdje sam odbijen zbog nedostatka nekih papira. Zbog svega toga ova posjeta mnogo znači. Načelnik Hadžibajrić se iskreno raspitivao kako da mi pomogne i došao mi je na kućna vrata, a to je za mene veliko," poručio je Haso Hasanović.



Haso Hasanović preživio golgotu Srebrenice



Sa porodicama Mandžić i Hodžić

Pomoć

Općina Stari Grad sagradila kuću za porodicu Nermina Kičina iz Tešnja



Načelnik Hadžibajrić uručio ključeve nove kuće porodici Kičina

Za gradnju stambenog objekta za porodicu Kičina izdvojeno 20.000 KM ● Porodica doživotno stambeno obezbijeđena ● Sufinansirali NHU „Oslonac i Općina Tešanj

Još jedno obećanje je ispunjeno i još jedna porodica je stambeno zbrinuta. Nermin Kičina, njegova supruga Esada i trogodišnja kćerka Nermina imaju svoj vlastiti krov nad glavom i nisu više među ugroženim i nezbrinutim porodicama kojima prijeti izlazak na ulicu.

Ova porodica u stanju potrebe iz naselja Mekiš kod Tešnja uselit će se u novu kuću čiju izgradnju je finansirala Općina Stari Grad Sarajevo sa NHU "Oslonac", a ključeve novog doma porodici Kičina uručio je 23. septembra, 2022. godine općinski načelnik mr. Ibrahim Hadžibajrić.

Nermin, Esada i Nermina do sada su živjeli u neuslovnoj kući kao podstanari i preživljavali od 20 KM dječijeg doplatka mjesečno i pomoći dobrih ljudi. Niko u porodici nije zaposlen, a Esada

Objekat po sistemu „ključ u ruke“

Za porodicu Kičina sagrađen je objekat dimenzija 5,5×8 metara, po sistemu «ključ u ruke». Od donacija koje su ranije prikupili, Nermin je kupio zemljište u naselju Mekiš veličine 500 m². Za NHU Oslonac ovo je 80. objekat koji su dosad izgradili za socijalno ugrožene. «Saradnja sa Općinom Stari Grad je bila vrlo korektna, efikasna i brza. Od prvog našeg kontakta, kada nas je načelnik Hadžibajrić pozvao na sastanak, za svega 10-ak minuta dogovorili smo saradnju, načelnik je obećao pomoć, potpisali smo sporazum i krenuli s realizacijom,» izjavio je predsjednik Savjeta NHU Oslonac Edin Mujčić.

i trogodišnja Nermina imaju i ozbiljnih zdravstvenih problema. Nermin ne radi jer se brine o bolesnoj supruzi Esadi kojoj je postavljena dijagnoza postporodajne depresije i psihoze. Djevojčica Nermina ima odstupanja u razvoju i probleme psihomotorike, ne hoda i ne govori.

Kuća sagrađena za nepuna dva mjeseca

Prije nekoliko mjeseci obratili su se za pomoć načelniku Ibrahimu Hadžibajriću koji je odlučio odmah reagovati. Sekretarka organa državne službe mr. Alma Destanović stupila je u kontakt sa humanitarnim udruženjem Oslonac koji se bave ovom problematikom i našla najbolje rješenje za njih. Općina Stari Grad Sarajevo izdvojila je 20.000 KM za izgradnju



Općina Stari Grad izdvojila 20.000 KM za izgradnju kuće

kuće za porodicu Kičina, Općina Tešanj sufinansirala je sa 6.000 KM, a NHU Oslonac, koji je bio i nosilac projekta, izdvojio je 4.000 KM. Za nepuna 2 mjeseca kuća je sagrađena i Nermin, Esada i Nermina doživotno zbrinuti.

«Sredinom jula počeli smo izgradnju kuće za porodicu Kičina i obećali im da će se useliti za dva mjeseca. Ispunili smo to obećanje, a ova porodica više nikada neće brinuti o tome gdje će živjeti i hoće li ih neko izbaciti na ulicu. Gdje god možemo pomoći ugroženim ljudima, mi ćemo to kao lokalna zajednica učiniti: u Srebrenici, Tešnju, Čeliću...Sve je ovo naš narod i ne možemo ostati nijemi na njihove nevolje,» poručio je načelnik Hadžibajrić prilikom primopredaje ključeva. Dodao je da je Općina spremna nastaviti pomagati ovoj porodici i oko osiguravanja nedostajućih priključaka za objekat.

Nerminova najveća želja je da dijete prohoda

Osmjesi na licima Nermina i Esade najbolje svjedoče o tome koliko je ovo važan projekat za njih. «Zahvalni smo svima za kuću koju smo dobili, a najviše Općini Stari Grad i načelniku Hadžibajriću bez kojih ne bismo sada bili ovdje i moja porodica ne bi ovako brzo dobila krov nad glavom. Živimo



Nermin sam brine o porodici

jako teško, ja ne radim, jer sam se posvetio brizi za suprugu i kćerku. Teško je, ali moram sve izdržati radi njih dvije. Svako živi za svoje dijete, pa tako i ja. Kad vidim njen osmijeh mene svi problemi u momentu prođu i tako je bilo od njenog rođenja,» ispričao je Nermin koji je izrazio zahvalnost i NHU Oslonac i svima koji su pomogli u izgradnji kuće.

«Izgradnjom ove kuće moja velika želja je ispunjena, da dijete ima krov nad glavom, ali najveća želja mi je da moje dijete prohoda. Sve bih dao samo da je vidim da stane na noge, da krene u vrtić kako bih mogao raditi i ovisiti o svom radu i svojim rukama,» ispričao je Nermin svoju tešku životnu priču.



Projekat implementirao NHU Oslonac

Projekti



Obnovljen i uređen Trg oslobođenja-Alija Izetbegović u augustu otvoren za sve građane i goste našeg grada

Centralni gradski trg koji nosi naziv Trg oslobođenja-Alija Izetbegović u potpunosti je obnovljen i ponovo predstavlja jedno od omiljenih okupljališta naših građana, ali i mjesto za održavanje najznačajnijih gradskih događaja na otvorenom.

Trg je popločan novim pločama od prirodnog kamena, izvršeno je uređenje svih zelenih površina kao i spomen-bista koje se nalaze na njima, uređen je centralni dio sa novim kamenim oblogama, te postavljene nove klupe. Građani su dobili i novu šahovsku tablu na trgu koja je oduvijek bila omiljeno mjesto okupljanja i zabave starijih generacija.

Nakon brojnih poteškoća nastalih tokom izvođenja ovog projekta usljed potrebe za njegovim prilagođavanjem i izmjenama, općinski načelnik mr Ibrahim Hadžibajrić sa saradnicima i uz punu podršku vijećnika Općinskog vijeća Stari Grad Sarajevo uložili su maksimalne napore da se projekat dovede do kraja i da trg dobije izgled dostojan imena koje nosi, ali i svoje bogate historije.

O važnosti ovog trga, svjedoči i njegova historija duga više od 140 godina. Trg je sagrađen davne 1881. godine zajedno sa današnjim Domom Oružanih snaga BiH koji se tada zvao Oficirska kasina. Trg je nosio naziv Oficirski trg i čak i u to vrijeme je bio mjesto održavanja najvećih gradskih skupova i manifestacija. S godinama se mijenjala

njegova namjena, ali i nazivi koje je nosio. U periodu između dva svjetska rata nosio je naziv po bosanskom kralju Stjepanu Tomaševiću, a kasnije Trg slobode, da bi 1948. godine bio preimenovan u Trg oslobođenja. Skupština Kantona Sarajevo donijela je u oktobru 2005. godine odluku da se trg nazove Trg oslobođenja - Alija Izetbegović.

Bista Alije Isakovića

U znak poštovanja prema kulturi, tradiciji i bogatoj bosanskohercegovačkoj književnoj historiji, na inicijativu Društva pisaca BiH, na Trgu je postavljena bista književnika Alije Isakovića jer se ove godine navršava 90 godina od rođenja ovog velikog bosanskohercegovačkog pisca, kao i 50 godina od izdavanja njegovog "Biserja" – prve antologije bošnjačke književnosti.



Postavljena bista Alije Isakovića

Izgrađeno sedam potpornih zidova u Starom Gradu

Stabilizacija terena u padinskim dijelovima Starog Grada je projekat koji se kontinuirano izvodi svake godine i s tim ciljem je izgrađen veliki broj potpornih zidova. Samo u ovoj godini sagrađeno ih je 7: u ulici Kamenica na Mahmutovcu, u ulici Bostarići na Širokači, u ulici Kačanik mali broj 26, u ulici Sedrenik do broja 274, u ulici Trčivode preko puta brojeva 5 i 7, a ovog mjeseca završeni su radovi u ulicama Trčivode preko puta brojeva 13 i 15 i Boguševac broj 2.

Među područja koja imaju najnestabilniji teren svakako spada i ulica Trčivode gdje su ove godine sagrađena dva zida. Na lokaciji gdje su upravo završeni radovi nalazio se nestabilan i obrušeni kameni zid, te je općinski načelnik mr. Ibrahim Hadžibajrić kako bi se pomoglo građanima i spriječila veće posljedice, dao hitan nalog za izgradnju novog potpornog zida.

Izgrađen je armirano-betonski potporni zid, dužine 12 metara i prosječne visine oko 1,8 metar. S obzirom na to da je lokacija veoma nepristupačna većina radova se izvela ručno.



Potporni zid na Boguševcu



Novi zid na Trčivodama dužine 12m

Na Boguševcu je izgrađen novi zid dužine 13 metara i prosječne visine oko 2,3 metra.

Oba projekta koštala su oko 21.000 KM i finansirana su iz budžeta Općine Stari Grad Sarajevo.

Sačuvan nacionalni spomenik:

Postavljen novi pokrov na Višegradsku kapi-kulu

Općina Stari Grad finansirala je i realizovala projekat zamjene oštećenog pokrova na Višegradskoj kapi-kuli. Dijelovi šindre koji se obrušavali sa krova, posebno prilikom kiše ili vjetrova, predstavljali su stalnu opasnost za stanovnike obližnjih kuća, ali i saobraćaj, te kretanje pješaka i vozila.

Općinski načelnik mr. Ibrahim Hadžibajrić razmišljajući o potrebama građana i stavljajući njihove interese na prvo mjesto, odlučio je prije nadolazeće zime pokrenuti zamjenu pokrova na Višegradskoj kapiji, iako to nije u direktnoj nadležnosti ove lokalne samouprave. Na taj način građanima je vraćena sigurnost, a spomenik sačuvan od propadanja.

Stara, oštećena šindra i letve su uklonjeni, nakon čega je ugrađen novi pokrov. Općina Stari Grad Sarajevo je za zamjenu pokrova na Višegradskoj kapi-kuli iz budžeta izdvojila 20.000 KM. Višegradska kapija je jedna od tri kapi kule Starog grada Vratnika i proglašena je nacionalnim spomenikom 2005. godine. Izgrađena je između 1727. i 1739. godine.



Projekti

Za tri mjeseca sanirano 13 ulica, uloženo oko 800.000 KM

Kvalitetna infrastruktura preduslov dobrog života • Više nego dobra dinamika planiranih projekata • Program rada na osnovu analize i obilaska terena

Kvaliteta života u lokalnoj zajednici zavisi i od infrastrukture koja je na raspolaganju građanima i koju svakodnevno koriste. Upravo iz tog razloga, općinski načelnik mr. Ibrahim Hadžibajrić poboljšanje infrastrukture u Starom Gradu svrstava među prioritete projekte, te su ulažu značajni naponi i finansijska sredstva u sanacije saobraćajnica, posebno u padinskim dijelovima Starog Grada. Izuzetno je važno građanima omogućiti kvalitetne podzemne instalacije i asfaltirane ulice do njihovih domova u svim naseljima, te općinski načelnik svoje programe rada svake godine priprema na osnovu detaljne analize i obilazaka terena u kojima i sam učestvuje. Ove godine, planirani projekti odvijaju se više nego dobrom dinamikom, te je za samo tri mjeseca završeno 13 značajnih projekata za koje je izdvojeno oko 800.000 konveribilnih maraka, a koje ćemo nabrojati u nastavku:

Bostarići

Ulica Bostarići bila je oštećena brojnim prokopima, lošim podzemnim instalacijama, ispucalim asfaltom i rupama. Poseban problem predstavljala je konfiguracija terena jer je izrazito strm i nepristupačan, pa se na nekim dijelovima moralo raditi i ručno. Ulica je sanirana u dužini od 500 metara. Vrijednost investicije iznosila je 150.000 KM.

Faletići

Na ovoj lokaciji, najveći problem predstavljale su saobraćajne gužve i kolaps koji nastaje kada se obavljaju dženaze na obližnjem mezarju. Načelnik Hadžibajrić naložio je nadležnoj službi da hitno poduzme korake na rješavanju ovog pitanja, te je izvršeno proširivanje i asfaltiranje dijela ulice Faletići, od raskrsnice sa ulicom Baruthana do ukrštanja ulica Donje Biosko i Faletići. Dionica koja je sanirana je duga 400 metara, a proširivanjem se postiglo da je sada njena širina 4,60 metara. Projekat je vrijedan 130.000 KM i finansiran je iz budžeta Općine Stari Grad Sarajevo.

Iza gaja

Ulica Iza gaja jedna je od najdužih i najfrekventnijih u ovom naselju i u prethodnim godinama rađene su njene sanacije u fazama. Ove godine sanirana je dionica duga oko 400 metara gdje se, pored ostalog, na jednom dijelu urađen i novi šaht i po prvi put ugrađeni slivnici jer su se građani žalili na zadržavanje oborinskih voda koje je na ovaj način riješeno. Projekat je finansiran iz budžeta Općine Stari Grad Sarajevo i vrijedan je oko 125.000 KM.

Pehlivanuša

Ulica Pehlivanuša, koja se nalazi u centralnom dijelu Starog Grada i pruža se od ulice Mula Mustafe Bašeskije, u blizini

Katedrale, sanirana je u dijelu od tramvajskih šina do stepeništa iznad Muzičke akademije. Projekat je bio vrijedan oko 100.000 KM i finansiran je iz budžeta Općine Stari Grad Sarajevo. Ova ulica predstavlja vrlo značajnu saobraćajnicu jer se nalazi u najužoj jezgri i svakodnevno njome saobraća veliki broj vozila.

Čadordžina

Ulica Čadordžina je veoma prometna saobraćajnica koja povezuje više sporednih ulica i sokaka, te je njena sanacija od velikog značaja za sve učesnike u saobraćaju. Saniran je glavni pravac dužine 128 metara i jedan krak dužine 30 metara, zamijenjeni su dotrajali ivičnjaci, urađeno preslagivanje postojećih, te nivelacija šahtova i na



Bostarići



Faletići



Iza gaja



Pehlivanuša



Čadordžina

kraju asfaltiranje. Projekat je finansiran iz budžeta Općine Stari Grad Sarajevo, iznosom od 80.000 KM.

Evlije Čelebije

Urađena je sanacija kompletne ulice Evlije Čelebije na Kovačima, u dužini od 215 metara koja sada pruža mnogo bolje uslove za odvijanje saobraćaja, ali i svakodnevni život stanovnika ovog naselja. Pored centralnog dijela, saniran je i krak ove ulice u dužini od 23 metra. U ulici je smješteno oko 40 domaćinstava, kojima je bilo neophodno osigurati uslove za normalno odvijanje života. Projekat je koštao oko 72.000 KM i finansiran je iz budžeta Općine.

Pogledine i Dolovi

Na području mjesne zajednice Hrid-Jarčedoli uspješno je završen projekat sanacije dijelova ulica Pogledine i Dolovi, koje se nalaze ispod padina Trebevića, a u kojima je smješteno oko 50 domaćinstava. Projekat je realizovan zahvaljujući dobroj koordinaciji općinskog načelnika mr. Ibrahima Hadžibajrića i mještana ovih ulica, kojima je sanacija značajna za svakodnevni život i lakši pristup kućama. Riječ je o vrlo frekventnim ulicama, koje nisu pružale uslove za sigurno odvijanje saobraćaja, te je projektom izvršeno proširenje na određenim dionicama.

Za sanaciju dijelova ulica Pogledine i Dolovi iz budžeta Općine izdvojeno je oko 61.000 KM.

Pastrma

Ulica Pastrma, u naselju Toka, sanirana je i asfaltirana u dužini od 120 metara. Radovi su koštali oko 30.500 konvertibilnih maraka, a finansirani su iz budžeta Općine Stari Grad.

Ulica Pastrma bila je kaldrmisana i betonirana i služila je samo za pješački saobraćaj. S obzirom na to da je riječ o veoma prometnoj ulici, građani su tražili njeno asfaltiranje kako bi bio moguć i prolaz manjih putničkih vozila.

Krakovi ulica Iza gaja i Džeka

Stanovnici dijelova ulica Iza gaja i Džeka dobili su mnogo bolji i sigurniji prilaz svojim domovima. Stanovnici nekoliko domaćinstava kraka ulice Iza gaja do svojih kuća su godinama dolazili makadamskim putem. Za pomoć su se obratili načelniku mr. Ibrahimu Hadžibajriću koji je uvrstio sanaciju dijela ulice u ovogodišnji plan i



Evlije Čelebije



Pastrma



Dio ulice Bistrik

program rada. Sanirana su i dva kraka ulice Džeka. Prvi krak od broja 11 do ambulante koji je bio u veoma lošem stanju asfaltiran je u dužini od oko 25 metara. Također, saniran je i još jedan krak iste ulice Džeka, od broja 13 do broja 17, u dužini od 36 metara. Za sve tri investicije iz budžeta Općine izdvojeno je oko 30.000 KM.

Edhema Mulabdića

Ulica Edhema Mulabdića koja se nalazi u centralnom dijelu Općine Stari Grad i pripada mjesnoj zajednici Baščaršija, sanirana je i asfaltirana u dužini od 112 metara. Saobraćajnica koja spaja ulice Mula Mustafe Bašeskije i Josipa Štadlera sada pruža znatno bolje uslove i lakšu putnu komunikaciju. Općina Stari Grad Sarajevo finansirala je radove sanacije na dužini od 42 metra ove ulice i završeni su prethodnog vikenda. Radovi na dionici dužoj 42 metra finansirani su iz budžeta Općine Stari Grad Sarajevo, iznosom od 26.000 KM.



Dolovi



Edhema Mulabdića



Nova Baruthana

Dio ulice Bistrik

Dvadesetak domaćinstava ulice Bistrik, od broja 78 do broja 98, imaju mnogo kvalitetniju putnu infrastrukturu, nakon asfaltiranja dijela ulice dužine oko 100 metara. Ovaj dio ulice nalazi se u mjesnoj zajednici Toka – Džeka, a građen je novi tampon, teren nivelisan zbog pravilne odvodnje, izrađene bankine i na kraju je dionica asfaltirana u dužini od oko 100 metara. Projekat asfaltiranja dijela ulice Bistrik sa oko 27.300 KM finansirala je Općina Stari Grad Sarajevo.

Nova Baruthana

Saniran je dio ulice Nova Baruthana od broja 14 do broja 24. Riječ je o makadamskom kraku ulice, gdje je postavljen asfalt na dužini od oko 60 metara. Radovi su koštali oko 21.000 KM.

Aktuelni projekti

U toku realizacija projekata vrijednih više od 2 miliona maraka

U Općini Stari Grad Sarajevo otvorena velika gradilišta • Izgradnja socijalne zgrade za 7 porodica • Sanacija kanalizacione mreže i asfaltiranje

Više od 2 miliona maraka vrijedna su 4 velika projekta koja se trenutno realizuju na području Općine Stari Grad Sarajevo. Ulaganje u infrastrukturu i obnovu, kao i zbrinjavanje socijalno ugroženih kategorija su, prema riječima općinskog načelnika mr. Ibrahima Hadžibajrića, važni za svakodnevni život građana i trebaju biti u vrhu prioriteta svake lokalne zajednice. Upravo iz tog razloga i ove godine u Starom Gradu pokrenuti su veliki projekti koji će građanima osigurati bilje uslove, a nekima i riješiti stambeno pitanje.

Socijalna zgrada u ulici Čadordžina – projekat vrijedan milion KM

U aprilu je počela izgradnja stambene zgrade za smještaj socijalno ugroženih porodica, koju zajedno grade Općina Stari Grad Sarajevo i Fondacija Hemiiias. Ugovor o uređenju međusobnih prava i obaveza na projektu izgradnje socijalne zgrade potpisali su u aprilu ove godine općinski načelnik mr. Ibrahim Hadžibajrić i direktor i osnivač Fondacije Hemiiias Hajriz Brčvak. Do sada su uspješno završeni radovi na zidanju prve etaže objekta, kao i svi radovi u prizemlju, a u toku su radovi na drugoj etaži. Riječ je o vrlo zahtjevnom projektu, s obzirom na poziciju i vrstu terena, ali je evidentno da radovi dobro napreduju i odvijaju se planiranom dinamikom. Zgrada u ulici Čadordžina će imati suteran, prizemlje, sprat i potkrovlje, a stanovi će biti dvosobni.

Socijalna zgrada u ulici Čadordžina bit će četvrta ovakve vrste u Starom Gradu, u njoj će biti zbrinuto sedam starogradske porodice iz kategorije socijalno ugroženih, te djeca bez roditelja. Fondacija Hemiiias odlučila je finansirati gradnju iznosom od milion konvertibilnih maraka, dok je Općina Stari Grad obezbijedila zemljište i sve administra-

tivne dozvole, te finansirala izmiještanje vodovodne mreže.

Kanalizaciona mreža u ulici Hladivode - projekat vrijedan 600.000 KM

Problem neadekvatne kanalizacije i septičkih jama sa kojim se stanovnici Baruthane i Hladivoda suočavaju već 20 godina, konačno će biti riješen projektom izgradnje nove separatne kanalizacione mreže. Oko 30 domaćinstava ovih naselja prije skoro 20 godina uradili su improvizovane priključke kroz privatna imanja i livade postavivši cijevi pri samoj površini zemlje što je često dovodilo do zagađenja

i izljevanja.

Pomoć u rješavanju svojih problema zatražili su od lokalne zajednice i općinskog načelnika mr. Ibrahima Hadžibajrića, no kako se radilo o značajnoj investiciji, prvo su se morala osigurati neophodna sredstva u iznosu od 600.000 KM. Projekat izgradnje separatne kanalizacione mreže u dijelovima ulica Baruthana i Hladivode, tačnije na dionici od Baruthana br. 71 do Hladivode br. 70, obuhvata polaganje oko 380 metara separatne kanalizacione mreže, odnosno polaganje oko 380 m cijevi za fekalni kanal i 380 metara za oborinsku odvodnju. Sva okolna domaćinstva bit će priključena na novu mrežu.



Socijalna zgrada za sedam porodica



Nova mreža na Hladivodama



Apelova cesta - veza između Trebevića i gradske jezgre



Sanacija 900 metara ulice Streljačka

Sanacija Apelove ceste – projekat vrijedan više od 400.000 KM

U toku je sanacija Apelove ceste – puta koji se nalazi na obroncima planine Trebević i predstavlja vezu zaštićenog područja Trebević i gradske jezgre. Apelova cesta je direktna i najkraća ruta do Trebevića bez korištenja putne infrastrukture manjeg bh entiteta, a zahvaljujući opredjeljenju općinskog načelnika mr. Ibrahima Hadžibajrića da ponovo vrati u funkciju ovaj put, u programu rada za 2022. godinu planirana je njegova sanacija i obezbijedena sredstva. Kako se radi o velikom projektu i značajnoj investiciji, postignut je dogovor sa Direkcijom za puteve Ministarstva saobraćaja Kantona Sarajevo koja za radove izdvaja 400.000 KM. Općina Stari Grad osigurala je projektnu dokumentaciju i provela izbor izvođača radova, te obezbijedila dodatnih 34.000 KM za radove.

Projekat predviđa rekonstrukciju i proširenje određenih dijelova Apelove ceste u dužini od oko 900 metara. Nakon sanacije Apelove ceste do jednog od najpoznatijih sarajevskih izletišta - planine Trebević, dolazit će se mnogo brže, a put od Bistrika do Trebevićke bob staze prolazit će sljedećim ulicama: Bistrik-Huremuša-Iza Hrida-Nalina-Iza gaja-Pogledine-Apelova cesta. Predviđeni rok za završetak projekta je 60 kalendarskih dana.

Sanacija ulice Streljačka – projekat vrijedan 230.000 KM

Veliki projekat sanacije 900 metara ulice Streljačka, koja se nalazi na području mjesne zajednice Moščanica, počeo je u septembru. Prethodno su komunalna preduzeća KJKP «Sarajevogas» i «Elektroprivreda BiH» položili svoje instalacije, a potom je izvršena priprema

terena i tamponiranje podloge za asfaltiranje. Asfaltiranje će se raditi iz dva dijela, a prvo će se položiti novi asfalt na gornjem dijelu ulice u dužini od 450 metara iz pravca Hladvoda prema Streljačkoj. Radovi asfaltiranja će početi čim se stabilizuju vremenske prilike. Općinski načelnik mr. Ibrahim Hadžibajrić, svjestan činjenice da je građanima padinskih dijelova Starog Grada kvalitetna putna infrastruktura apsolutni prioritet, pokrenuo je veliki projekat sanacije 900 metara ulice Streljačka za koji će iz budžeta Općine Stari Grad biti izdvojeno 230.000 KM. Stanovnici ulice Streljačka izrazili su zadovoljstvo zbog realizacije ovog projekta i činjenice da lokalna zajednica predvođena općinskim načelnikom mr. Ibrahimom Hadžibajrićem misli o potrebama građana svih dijelova Starog Grada i ispunjava njihove zahtjeve. U ulici je smješteno oko 70 domaćinstava kojima će sanacija i asfaltiranje osigurati mnogo bolje uslove života.

Podrška



U Starom Gradu se otvara prvi Centar za osnaživanje žena oboljelih od raka dojke u Bosni i Hercegovini

Saradnja Općine Stari Grad Sarajevo i Udruženja 'Race for the cure' podignuta na viši nivo ● Tim OPĆINA STARI GRAD sakupio 3.500 KM za akciju ● Jedina institucija koja je na ovakav način podržala projekat

U Starom Gradu otvorit će se prvi Think Pink Centar – Centar za osnaživanje žena oboljelih od raka dojke i prevenciju ove bolesti koji će biti prva ustanova u Bosni i Hercegovini takve vrste i pružat će usluge ženama iz Kantona Sarajevo, ali i cijele BiH koje su se suočile sa ovom opakom bolešću.

“Briga o ženama oboljelim od raka dojke nije sistemski riješena i žao nam je što nemaju mnogo bolje uslove da se nose sa ovom teškom bolešću. Zbog toga smo odlučili da zajedno sa organizacijom Think Pink, koja se bori za bolji tretman oboljelih žena napravimo pozitivne iskorake u zaštiti i brizi za zdravlje žena i pokrenemo prvi centar u Bosni i Hercegovini koji će im pružati sve na jednom mjestu. Općina Stari Grad obezbijedila je prostor za otvaranje centra koji će se na-

laziti u ulici Trg Fra Grge Martića, pored same Katedrale, a svim oboljelim ženama pružat će psihosocijalnu podršku, ali i besplatni smještaj pacijenticama koje su zbog liječenja primorane doći iz drugih kantona i često nemaju gdje prespavati ili sačekati preglede,” izjavio je općinski načelnik mr. Ibrahim Hadžibajrić tokom šetnje Race for the cure za podršku oboljelim ženama koja se u Sarajevu održala po 15. put.

Odličan primjer saradnje nevladinog i vladinog sektora

Direktorica Organizacije Think Pink Nela Hasić kazala je da je saradnja sa Općinom Stari Grad i općinskim načelnikom mr. Ibrahimom Hadžibajrićem primjer dobre prakse i

uspješnog partnerstva vladinog i nevladinog sektora oko zajedničkog socijalnog, ekonomskog, društvenog i zdravstvenog problema, te da će otvaranjem ovog Centra Sarajevo biti pozicionirano na mapi svjetskih pink gradova koji pružaju podršku ženama oboljelim od raka dojke.

“Zahvalni smo općinskom načelniku Ibrahimu Hadžibajriću što je prepoznao ono što radi naša organizacija i odmah se odlučio uključiti u ovu inicijativu. Dobili smo prostor u samom centru grada, u blizini svih putnih komunikacija i to će ženama mnogo značiti. Centar ćemo otvoriti ne samo za žene iz Kantona Sarajevo, nego i cijele BiH jer mi sve ove godine jako puno radimo i sa ženama i udruženjima iz Republike Srpske i Brčko Distrikta. U Think Pink centru pružat ćemo im psihosocijalnu podršku kroz rad sa psihologom, grupne sesije, časove meditacije i joge, savjetovanja iz oblasti

nutricionizma, ali i savjete medicinskih stručnjaka i mogućnost dobijanja drugog mišljenja u vezi sa dijagnozom. Mnoge žene ne mogu dobiti ovakvu uslugu u mjestima u kojima se liječe, a mi ćemo otvoriti vrata za sve njih i zato je ovaj projekat izuzetno značajan,” izjavila je Hasić. Planirano je da Think Pink Centar sa radom počne do kraja godine, ukoliko budu završeni svi radovi na opremanju prostora.

Šetnja uposlenika od Općine Stari Grad do SCC-a



Tim OPĆINA STARI GRAD okupio se 25. septembra ispred zgrade Općine Stari Grad odakle su šetnjom stigli do Sarajevo City Centra gdje su se pridružili ostalim učesnicima.

Načelnik Hadžibajrić je uz američkog ambasadora Michaela Murphyja, gradonačelnicu Sarajeva Benjamina Karić i direktoricu Organizacije Think Pink Nerminu Hasić predvodio nekoliko hiljada učesnika šetnje Race for the cure koja je i ove godine poslala snažnu poruku jedinstva i solidarnosti sa svim ženama oboljelim od raka dojke.

Tim OPĆINA STARI GRAD sakupio 3.500 KM za oboljele žene

Općinski načelnik mr. Ibrahim Hadžibajrić pored institucionalne pružio je i ličnu podršku projektu Race for the cure formiravši tim OPĆINA STARI GRAD koji je sakupio sredstva u iznosu od 3.500 KM za ovu humanu misiju. Tim je činilo više od 120 uposlenika Općine Stari Grad Sarajevo, građana, te poslovnih saradnika i privrednika koji su učestvovali registracijama i donacijama sredstava.

I ove godine Općina Stari Grad Sarajevo bila je jedina institucija koja je na



Tim Općina Stari Grad u šetnji za ozdravljenje



Podrška Općine Stari Grad Sarajevo



Veliki broj učesnika šetnje



Američki ambasador Michael Murphy, načelnik Hadžibajrić i direktorica udruženja Nela Hasić

ovakav način i u ovakvoj mjeri podržala trku/šetnju “Race for the cure”, a što uključuje institucionalnu i individualnu podršku uposlenih. “Zahvaljujem se svim uposlenicima Općine Stari Grad, mojim saradnicima, privrednim subjektima i posebno građanima koji su na ovaj način,

vlastitim sredstvima, podržali ovu humanu akciju i pridružili se našem timu. Na ovaj način smo pokazali suosjećanje sa svim ženama oboljelim od raka dojke i spremnost da im pružimo ruku i pomoć kada im zatreba,” poručio je načelnik Hadžibajrić.

Obrazovanje



Finansirana nabavka udžbenika za učenike od I-IV razreda, a prvačići nezaposlenih roditelja opremljeni 'od glave do pete'

Izvršena refundacija novčanih sredstava roditeljima koji su kupili udžbenike od I-IV razreda ● Posebna briga za učenike iz romskih porodica ● Odobreni brojni pojedinačni zahtjevi za premanje školaraca ● Besplatan školski prevoz

Općina Stari Grad Sarajevo je roditeljima učenika od I-IV razreda osnovnih škola u Starom Gradu omogućila refundaciju novčanih sredstava za nabavku udžbenika za školsku 2022/2023. godinu. Općinski načelnik raspisao je javni poziv za refundaciju sredstava 02.09.2022. godine, a prethodno je Općinsko vijeće Stari Grad Sarajevo na vanrednoj sjednici održanoj istog dana – elektronskim putem, donijelo Zaključak kojim je ovlastilo općinskog načelnika za raspisivanje pomenutog javnog poziva.

Svim prvačićima u Starom Gradu, čiji su roditelji nezaposleni, uručena je kompletna oprema za polazak u školu. Ukupno 52 učenika dobili su knjige, ruksake, školski pribor, te odjeću i obuću (hlače, majice, dukseve, jakne, donji veš, op-

Talentovani stonoteniser Beriz Bajrović dobio pomoć za školovanje

Beriz Bajrović je desetogodišnji dječak iz Starog Grada koji niže uspjehe za uspjehom u stonom tenisu kojim se počeo baviti kada mu je bilo svega šest godina. Jedan je od petoro djece iz porodice Bajrović u kojoj je samo otac zaposlen i teško se nose sa svim izazovima koje život stavlja pred njih. Saznavši za uspjehe ovog dječaka i borbu njegove porodice, općinski načelnik mr. Ibrahim Hadžibajrić odlučio ih je opremiti za polazak u novu školsku godinu. Beriz i njegov brat Benjamin dobili su jakne, patike, hlače, majice, dukseve i sve što im je potrebno za školu.

remu za tjelesni i patike). Na ovaj način prvačići su opremljeni 'od glave do pete' za polazak u školu, što je njihove roditelje riješilo velike brige.

Pomoć u opremanju 12 učenika iz romskih porodica

U romskom naselju Moščanica živi 10-ak romskih porodica u kojima je 12-ero djece koji pohađaju Osnovnu školu "Vrhbosna" od I do IX razreda. Da im ništa ne nedostaje tokom školovanja i da imaju iste uslove kao i ostali učenici, pobrinula se Općina Stari Grad Sarajevo obezbijedivši im udžbenike, ruksake sa školskim priborom, te odjeću i obuću potrebne za polazak u novu školsku godinu. Ovih 12 učenika i njihove porodice načelnik Hadžibajrić



Školski prevoz do četiri osnovne škole u Starom Gradu

ugostio je 08. septembra, 2022. godine u Općini i uručio im pakete sa odjećom i obućom, dok su ruksake i školski pribor dobili prije početka školske godine.

Pomoć u obrazovanju njihove djece ključna je za bolju budućnost romske populacije, a to je potvrdila i Šeherzada Abazi koja je majka 11-ero djece od kojih već ima 35-ero unučadi. U naselju Mošćanica živi već 37 godina.

“Mi želimo da nam djeca idu u školu, ali Romi za to često nemaju uslova. Želimo da nam djeca završe škole i nađu posao, valjda će tako i moji sinovi i unuci. Evo dobili su pribor, odjeću i obuću da idu uredni i čisti u školu, mnogo mi znači ovo. Obrazovanje može dati čovjeku bolji život i posao da može lijepo da živi,” kazala je Šeherzada.

“Nama mnogo znači pomoć načelnika, uvijek misli na nas. Dobila sam nedavno mašinu i frižider od načelnika, sve što tražimo on nam ispuni. Načelnik Hadžibajrić pomaže koliko može i mnogo ga poštujemo. On nas tretira na najbolji mogući način i svaka mu čast na tome,” dodala je Šeherzada.



"Od glave do pete"

Besplatan školski prevoz za 285 osnovaca iz Starog Grada

Osiguran je redovan školski prevoz za 285 učenika osnovnih škola „Vrhbosna“, „Mula Mustafa Bašeskija“, „Šejh Muhamed efendija Hadžijamaković“ i „Saburina“ tokom školske 2022/2023. godine. Već devet godina Općina Stari Grad Sarajevo, u saradnji sa nadležnim kantonalnim ministarstvima i autoprevoznikom Centrotrans d.d. Sarajevo omogućava starogradskim osnovcima siguran, pouzdan i tačan dolazak do škole i povratak kući. Djecu od kuće do škole i nazad voze savremeni i opremljeni mini autobusi prilagođeni vožnji u padinskim dijelovima. Za besplatan školski prevoz učenika u Starom Gradu se na godišnjem nivou izdvaja 350.000 KM. Općina Stari Grad je provela sve potrebne procedure kako bi se osigurao prevoz učenicima, dok će sredstva u refundirati Ministarstvo saobraćaja Kantona Sarajevo.



Električni skuter za Bećira

Šesnaestogodišnjem Bećiru Karišiku obezbijeden električni skuter

Bećir Karišik je 16-ogodišnji učenik drugog razreda srednje škole kojem je kao sedmomjesečnoj bebi dijagnosticirana cista na mozgu koja je uzrokovala cerebralnu paralizu. Od tog trenutka krenula je njegova borba, kao i borba njegove porodice da Bećir živi istim životom kao i njegovi vršnjaci i da mu ništa ne bude uskraćeno. Iako je 100% invalid, Bećir redovno pohađa školu, druži se sa vršnjacima i nastoji živjeti što kvalitetnije. Iako bi Bećiru, kao i drugim građanima sa ovakvim i sličnim poteškoćama, zdravstveni sistem u našoj zemlji trebao osigurati sve pogodnosti, posebno pomagala za kretanje, to nažalost nije slučaj.

Kako bi mu svakodnevni život bio što lakši, Bećiru je bilo potrebno posebno pomagalo, električni skuter za osobe sa invaliditetom koji mu omogućava kretanje i prebacivanje do potrebne lokacije. Električni skuter omogućava osobama sa invaliditetom djelimičnu neovisnost u kretanju i mnogo bolju kvalitetu života, a njegova cijena je 6.300 KM koje porodica Karišik nije mogla sama prikupiti. U pomoć im je pritekao općinski načelnik mr. Ibrahim Hadžibajrić sufinansiranjem iznosa od 3.150 KM za nabavku ovog pomagala.

Električni skuter je kupljen i isporučen na vrata ove porodice, a zadovoljstvo i zahvalnost za pomoć iskazali su i Bećir i njegov otac Elvis.

Predstavljamo privrednike

Naida i Ismet Lisica: Očuvali porodični zanat redizajnom i izradom novih proizvoda od bakra i mesinga

Ljubav prema tradiciji i radu s metalima usađena im je od malih nogu ● Naida i Ismet uspješno vode obrt Lisica Lisica ● Moderno izrađene lampe, svijećnjaci, nakit

Naida i Ismet Lisica odrasli su u očevoj radionici gledajući kako ploče bakra i mesinga dobijaju različite oblike savijanjem metala putem kalupa - tehnikom koja polako izumire u svijetu, a koju njihov otac održava duže od pola stoljeća..

Upravo ih je ljubav prema ovom zanatu opredijelila da se u životu bave umjetnošću, te su brat i sestra diplomirali produkt dizajn na Akademiji likovnih umjetnosti, a potom pokrenuli obrt Lisica Lisica s ciljem oživljavanja ove tradicije, ali na moderan i drugačiji način.

Naida i Ismet danas uspješno vode obrt Lisica Lisica u kompleksu Gazi Husrev-begove biblioteke u Općini Stari Grad gdje dizajniraju i nude različite proizvode od bakra i mesinga kao što su: lampe, vaze, svijećnjaci, zdjele, ukrasne kutije, a odnedavno i dizajnerski nakit.

Pozvali načelnika Hadžibajrića da ih posjeti i upozna se s njihovim radom

Brat i sestra Lisica uputili su poziv općinskom načelniku mr. Ibrahimu Hadžibajriću da ih posjeti u njihovoj radnji, koja je ujedno i izložbeni prostor i upozna se sa njihovim radom.

Načelnik Hadžibajrić je rado prihvatio ovaj poziv cijeneći trud i zalaganje ovih mladih ljudi, posebno njihovu želju da očuvaju zanat i porodični biznis.

“Predmeti od bakra koje izrađuju zanatlije i kazandžije iz Starog Grada su jedan od najznačajnijih vidova umjetničkog izražavanja i zanatske vještine u BiH. Nažalost, zanati u našoj zemlji izumiru, zanatske škole praktično i ne postoje, a stari dućani mijenjaju svoju namjenu. Zato smo mi željeli doprinijeti njihovom očuvanju kroz redizajn proizvoda, te pronalaženje novih oblika i namjena za proizvode nadahn-



Ismet i Naida Lisica sa načelnikom Hadžibajrićem



Proizvodi od bakra i mesinga



Nakit na drugačiji način



Oživjeli tradiciju na moderan način

ute tradicijom, “ ispričali su brat i sestra Lisica.

Načelnik Hadžibajrić je čestitao ovim mladim ljudima na svemu što su do sada postigli, kazavši da je čast imati u Starom Gradu ovakve zaštitnike i čuvare tradicije

i starih zanata, te da mogu poslužiti kao primjer mnogim mladim ljudima. Njihov izložbeni salon nalazi se u ulici Gazi Husrev-begova 46E, a cijene proizvoda kreću se od 50 KM do 850 KM što je najviša cijena za lampu izloženu u salonu.

Sa građanima Sedrenika:

Hvala Vam načelniče, Ramića banja je 'progledala'

Građani ulice Ramića banja na Sedreniku dobili su nove priključke za vodu i put za siguran prilaz do svojih kuća; Projekat vrijedan 170.000 KM

Povodom završetka projekta rekonstrukcije vodovodne mreže, uvođenja novih priključaka i asfaltiranja puta u ulici Ramića banja, općinski načelnik mr. Ibrahim Hadžibajrić posjetio je 11.10.2022. godine ovo naselje gdje su ga dočekali zadovoljni građani.

„Nema riječi kojima mi možemo izraziti naše zadovoljstvo za ove radove. Hvala Vam, načelniče što mislite o nama, Ramića banja je 'progledala',“ poručili su okupljeni građani.

Postavljene su nove vodovodne cijevi i urađeni vodovodni priključci za sva domaćinstva, te izgrađeni potporni zidovi s obje strane puta i izvršeno asfaltiranje dionice u dužini od 120 metara. Podzemne instalacije su sada mnogo bolje, a građani više ne strahuju od obrušavanja puta na njihove kuće.

„Kada su me građani Ramića banje upoznali sa ovim problemom, izašli smo na teren i shvatili da moramo naći najbolje rješenje za njih. Ovaj projekat je bio vrlo zahtjevan zbog nepristupačnosti terena i većina radova se izvodila ručno jer mehanizacija ovdje ne može prići. Drago mi je što su građani zadovoljni i što smo riješili jedan veliki problem. Mi ovako radimo već 14 godina, obilazimo teren, upoznajemo probleme naših građana i rješavamo ih i sigurno ćemo to raditi i ubuduće,“ poručio je načelnik Hadžibajrić.

Nekad uska, nepristupačna staza, a sada put kojim djeca trče, idu u školu, voze bicikla

Koliko je stanovnicima Ramića banje život ranije bio težak zbog neadekvatnog prilaza kućama, kao i loših vodovodnih instalacija, ispričao je 73-ogodišnji Avdi-ja Tandir.



Načelnik Hadžibajrić sa zadovoljnim građanima iz ulice Ramića banja



Siguran put do škole



Nova pješačka dionica

„Ranije je put bio toliko loš i uzak, da se nisu mogle uporedo kretati dvije osobe. Ljudi su padali, lomili se. Sada kad pogledam djecu koja ovuda idu u školu, trče, voze bicikle i rolaju se, ja ne mogu da vjerujem da smo ovo doživjeli. Ne znam na koji način bih se zahvalio našoj lokalnoj zajednici za ovo što smo dobili. Svima se zahvaljujem, ali najviše našem načelniku Hadžibajriću, koji je obećao da će ovo uraditi i ispunio nam obećanje,“ ispričao je Tandir.

Huso Smajlović je kao dobar domaćin ugostio načelnika Hadžibajrića i svoje komšije u dvorištu svoje kuće u kojoj živi od 1978.godine.

„Više od 40 godina ja sam priželjkivao da se ovaj put uradi. Ali, niko nije imao razumijevanja za nas sve dok nam načelnik



Huso Smajlović, zadovoljan urađenim projektom

Hadžibajrić nije obećao da ćemo dobiti put. I, evo sada ne samo da imamo put mi koji ovdje živimo, nego ovuda prolaze i mnogi ljudi koji idu na Sedrenik, Grličića brdo, djeca idu u školu,“ ispričao je Smajlović.

Projekat rekonstrukcije vodovodne mreže, izgradnje potpornih zidova s obje strane puta i asfaltiranja dionice koštao je 170.000 KM, a finansiran je iz budžeta Općine Stari Grad Sarajevo.

Pobratimske općine

Opština Ohrid – kulturno-historijsko središte i dragulj Sjeverne Makedonije

Stari Grad i Ohrid bratimili su se 2013. godine • Od 1980. godine Ohrid je na UNESCO listi svjetske baštine •

Naširoko poznati ohridski biseri

Općina Stari Grad sarajevo povezana je pobratimskim vezama sa čak pet lokalnih samouprava iz prijateljske Republike Sjeverne Makedonije. Nakon što je 2011. godine potpisan Sporazum o bratimljenju i saradnji sa Opštinom Karpoš Skoplje, dvije godine kasnije, u decembru 2013. Općina Stari Grad se zvanično pobratimila sa Opštinom Ohrid. Naknadno su uslijedila bratimljenja sa opštinama Gostivar, Čair Skoplje i Aerodrom Skoplje.

U ovom broju biltena „Starogradski haberi“ predstaviti ćemo našu prijateljsku Opštinu Ohrid.



Ohrid je naseljen hiljadama godina unazad

Ohridske bisere imala i kraljica Elizabeta II

Vjerojatno najpoznatiji ohridski proizvod i suvenir iz ovog makedonskog grada su ohridski biseri, nakit kojeg je imala i bivša britanska kraljica Elizabeta II. Ohridski biseri se rade od ljuski ribe plašice, svojstvene Ohridskom jezeru. Recept za izradu originalnog nakita imaju samo dvije ohridske porodice Talev i Filev koji se proizvodnjom bave od 1920-ih godina.



Ohridski biseri

Ohrid i Stari Grad ostvarili su i konkretne saradnje na polju turizma i sporta. Općinski načelnik mr. Ibrahim Hadžibajrić i zamjenik načelnika Opštine Ohrid Angel Janev 2014. godine organizovali su susret sa predstavnicima



Janev i Hadžibajrić

turističkih agencija i tour operatera iz naše zemlje kako bi se usvojile pozitivne prakse iz Sjeverne Makedonije. Također, bivši općinski uposlenik i uspješan maratonac Zoran Dedić, učestvovao je na maratonu u Ohridu 2019. godine.


Prostor današnjeg Ohrida, uz obalu istoimenog jezera kojeg dijele Sjeverna Makedonija i Albanija, naseljen je hiljadama godina. Iz tog razloga ovaj grad ima izuzetno bogato kulturno-historijsko naslijeđe i danas važi za jedno od najpoznatijih turističkih destinacija u ovoj balkanskoj zemlji. U Ohridu živi blizu 60.000 stanovnika različitih nacionalnosti i religija. Pored Makedonaca, u ovom gradu žive i Albanci, Turci, Srbi, Vlasi, Romi i drugi.



Crkva sv. Jovana Bogoslova u Ohridu - Simbol Sjeverne Makedonije

Biser na obalama „makedonskog slatkovodnog mora“

Krajem 9. stoljeća Ohrid je postao središte širenja kršćanstva među Slavenima, na čemu su radili učenici Ćirila i Metoda: sveti Naum, prvi slavenski monah i sveti Kliment, prvi slavenski episkop. U Ohridu, duhovnom središtu balkanskih Slavena podignuto je tada i kasnije više znamenitih crkava, kao sveta Sofija i crkva svetog Jovana Bogoslova. Upravo je crkva sv. Jovana Bogoslova iznad Ohridskog jezera najpoznatiji simbol Ohrida, ali i čitave Sjeverne Makedonije, jer predstavlja jedno od najviše fotografisanih mjesta u toj zemlji. Atrakcija ovog grada je i rimska, rimskobizantska Samuilova tvrđava čiji korjenci sežu u 4. stoljeće prije Krista. Također, ističe se i antički teatar u Ohridu, kao i manastir svetog Pantelejmona. Iz svih ovih razloga od 1980. godine Ohrid i Ohridsko jezero su postavljeni na popis UNESCO-ove Svjetske baštine kao spomenik kulture i spomenik prirode.



Naziv institucije	Telefon
Policija	122
MUP Stari Grad	033/ 532-000
Hitna pomoć	124
Vatrogasci	123
Taxi Sarajevo	1515
Turistički informativni centar	033/ 532-606 i 580-999
Mjesne zajednice	033/ 265-526
Porezna uprava	033/ 555-481
Apoteka „Baščaršija“	033/ 272-300
Biro Stari Grad	033/ 557-247
Općina Stari Grad Sarajevo	033/ 282-300

Općinska služba	Telefon
Služba kabineta općinskog načelnika	033/282-400
Općinsko vijeće	033/282-313
Služba za odnose s javnošću i informacijski sistem	033/282-491
Služba civilne zaštite	033/282-395
Služba za investicije i komunalne poslove	033/282-417
Služba za urbanizam	033/282-316
Služba za imovinsko-pravne, geodetske poslove i katastar i stambene poslove	033/282-335
Služba za boračko-invalidsku i socijalnu zaštitu	033/282-397
Sektor za tehničke poslove i obezbjeđenje	033/282-452
Služba za opću upravu i inspeksijske poslove	033/282-357
Služba za finansije	033/282-427
Služba za privredu	033/282-359
Općinsko pravobranilaštvo	033/282-371
Služba za obrazovanje, kulturu i sport	033/282-365
Služba za lokalni razvoj i poslove mjesnih zajednica	033/265-525

-  Informacije
-  Policija
-  Parking
-  Prva pomoć
-  Toalet
-  Pošta
-  Banka



“Dan dječije radosti” u Starom Gradu

Stotine mališana iz Starog Grada, polaznici vrtića i učenici prvih razreda, uživali su 04.10.2022. godine u “Danu dječije radosti” koji je organizovala Općina Stari Grad Sarajevo povodom obilježavanja “Dječije nedjelje”. Mališani iz Starog Grada oku-

pili su se na Trgu Prve brigade policije Stari Grad odakle su se u defileu uputili Bašćaršijom do Katedrale, te Trga oslobođenja- Alija Izetbegović gdje su uživali u zabavnom programu sa animatorima i slatkim poklonima.

